

安徽通志金石古物考稿

安徽通志稿

南陵徐乃

金石古物考二

石刻碑誌一

漢

戚伯著碑在宿縣

供據楊氏守敬撫刻嚴氏可均
雙鈎孫氏星銜藏宋拓本摹入

缺上
三碑


胄周別封氏衛林邑不為姓焉□漢□□□□□王明是時馳

特進朝矣大僕光祿倚柴臨簡持節□□□芴克列王空遇諫舌

呂委位捐爾調官近土攷卜罔營肉措東山子孫孝弟薦學應鄉

舉止選位至厲國都尉泉臬府泉勸海火罔切德渙彰

伯著勸海君古照委景長子也二七府古禮性仁知約身學事乘



金石古物考二

略肯通篆墨敏疾儀容茂盛議者觀始謂復龜龍之緒而承火歲
丁亥娉妻米氏旬期著橫遇躬度不蒙福一奄遂爾歿豈魂俱靈
父表母悲傷其國絕口恨口泯宗緒遠近悽愴失氣喉唯哈卿相
三

右伯著碑者在今宿州出於近歲蓋宮部春夫開汴渠於浚沙
中掘得之其文字古恠而磨滅無首尾了不可讀伯著不知為
何人其僅可見者云渤海君立孫季景長子也其事迹不可考
文辭莫曉而字畫不工徒以其古恠錄之此誠好古之弊也治
平元年七月三十日歐陽修集古錄

右其字畫如隸書而甚古恠又多磨滅伯著者莫知為何人其
時世亦不可考但其文有曰伯著者渤海君立孫季景長子而

其類曰周末嗣某氏

某字可識

不襲興興上又缺一字渤海君立孫

伯著之碑而已然則周亦非伯著之姓也碑在宿州

歐陽非集古錄目

右戚伯著碑首尾磨滅其略可見者有云充列王室遇謗于呂委位捐爵而其額題周末嗣戚氏襲以興勃海君玄孫伯著之碑知其姓氏戚以文詞字畫驗之疑東漢中葉以前人蓋當時石刻見于今者多類此所謂充列王室遇謗于呂者戚夫人也

趙明誠金石錄

右本周末嗣戚氏襲以興勃海君玄孫伯著亡碑隸額本之上有一字石損其半嘉祐中宿州浚汴得之泥沙中碑叙其先云調官沛土安措東山子孫孝弟蓋戚姬遭呂后之禍其族有官于沛者宅兆所卜子孫因家焉符離即沛之封內也襲以興者謂襲周之後而興此時墓刻始萌芽標題未當律令其字畫古怪偏旁增減亦有不可辨者世祖建武三年章帝章和元年戚

宗建和元年獻帝建安十二年皆丁亥也碑有太歲丁亥字當

是建武或章和年所刻者

碑云而為性焉以性為姓也京晁府

東即中字泉即京字罪即丞字事即事字才即才字英即筆字

詳 洪造隸釋

臧伯著碑隸額一行十九字有穿碑十二行行二十字文在穿

下長其上者財數寸自穿之上兩旁浸削及其顛則銳甚碑之

前五行叙其先世至稱伯著則別行 洪造隸續

右漢臧伯著碑宋嘉祐中宿州浚汴獲之泥沙中是本紙墨皆

古色為退谷孫侍郎收藏殆即初獲碑時所拓也鄱陽洪氏謂

其字畫古怪偏旁增減有不可辨者審視之良然同觀者曲周

王顯祚湛求永年申涵光和孟嘉興譚吉璵舟石

朱彝尊曝書亭集

已未春予在京師于孫氏研山齋見拓本其額周字上有本字

異乎他碑之額葉奕苞金石錄續跋

右漢戚伯著碑蓋宗拓本嘉慶丙寅歲孫觀察星衍之仲弟星衡得之于京師有孫退谷印記即朱竹垞葉九來所為作跋者也九來言其額周字上有本字今此額但存之碑二字蓋重禱時或因破碎割去額首本周末嗣戚氏襲以興勃海君立孫伯著十六字并朱葉二跋皆棄之殊可惜此碑集古錄集古錄目金石錄天下碑錄隸釋隸續字原皆列其目隸釋載有全文與此本對校頗多互異碑云而為姓焉釋作性焉調官近土釋作沛土考卜罔營釋作叔卜乖略旨通即七略釋作才略宗緒上泯字釋作隕伊惟釋作伯著顯屬洪氏之誤又乃功字捐爾即捐壘而乎即天乎洪氏亦未及言足見真蹟為可貴碑石久佚今世收藏家無著于錄者恐海內未必有第二本因盡日之

力手自雙鉤以待好古者重刻以廣其傳嚴可均鐵橋漫稿

議郎元賓碑 在臺縣

佚錄釋入

缺上字元賓魯相之孫成德字缺四東安平令北海相缺下守之弟子中

牟令兄子也君生也即有殊摻滄孝行缺下鄉黨乾乾積善念於濟

人故多疇宗親受爵位者皆缺下也加有聰明叡括之才博五經之

滋味覽羣書之要缺下圖籍搞翰著作時人莫能豫其思辯論缺下二

文章爛缺下孝廉亢弘名於三署揚清厲於海內除倉龍司馬詔缺下

試經第一衛尉察尤異遷吳令憲春陽以加惠則陰缺下擊有高宰

鄭見思之歌視事二稔民用寧康以不婚缺下雲之高翻碧色斯辟

州從事雖進缺退不枉尺直擢缺下聖朝旌勲公車徵拜議郎當

豐缺姒媾光國興家缺下毓穢我良人辛廿八延熹二年二月缺下二

卒天子閔缺咨嗟使者臨弔賻贈特加於是族舊門人莫不傷瘁

缺下立銘以詠君德其辭曰三字缺菲無倫揚休毅為三臣播忠冊列

帝庭名顯章光四缺建靈石岳鴻勳昭來拮示後昆

右議郎元賓碑者在今亳州姓名已殘缺所可見者云字元賓

魯相之孫又云舉孝廉除倉龍司馬衛尉察尤異遷吳令視事

二檢民用康寧州辟從事公車徵拜議郎年四十八延熹二年

二月卒使者臨弔賻贈特加其餘文字完好者尚多惜其名氏

皆亡也趙明誠金石錄

右議郎元賓碑在亳州碑無額故不得其姓石缺又失其名元

賓以孝廉入三署除倉龍司馬衛尉察尤異遷吳令辟州從事

召拜議郎以威宗延熹二年卒漢宮掖門每門司馬一人比干

石蒼龍司馬主東門蓋衛尉之屬也元賓為九卿所察由干石

而治縣時以為遷近歲亦嘗詔廷臣薦士矣皆超授二千石判
史而不以為過其肯以千石中都官而出宰百里者乎碑云有
高宰鄭即國儁也翻署色斯則以署為肅枉尺直搆則以搆為
尋也按即操字爛即爛字洪适隸釋

費亭侯曹騰碑陰在亳縣

佚據錄入

惟建和元年七月廿二日己巳

皇太后曰其遣費亭侯之國為漢藩輔臨君境內毋有出缺六變

卒缺七百姓不可不愛不愛則不附大臣不親百姓不附可不慎

缺下

制曰缺中常侍費亭侯曹騰見克

先帝能自奮拔於險阻之中不陷乎羣小害己之譖遂亦缺五前

後英謀字缺二進賢納缺踐胎之初受爵巧東土厥功章然騰守足

退居約身自持遭離母憂孝行純篤缺慎禮紀喪能過哀服祥有

不忍遠離之恩情缺感病毀性早薨朕甚閔焉詩曰靡不有初鮮

克有終騰能終之春秋之義旌缺采介呂勸為善及其在殯使蕙

諫議大字缺六特進贈費亭侯印綬魂而有靈嘉其寵榮嗚呼哀哉

曹嵩闕北有圭碑題云漢故中常侍長樂大僕特進費亭侯曹

君之碑延熹三年立碑陰又刊詔策二碑文同夾碑東西列對

兩石馬高八尺五寸石作粗拙鄴道元水經注

右中常侍費亭侯曹騰碑文字磨滅其粗可見者云維建和元

年七月廿二日己巳皇帝若曰其遣費亭侯之國其餘不可識

也建和桓帝即位之元年也後三十七年獻帝中平元年騰養

子操始為騎都尉擊黃巾矣治平元年六月十日書歐陽脩集古錄

右漢隸不著書撰人名氏騰桓帝時官至中常侍長樂大僕封

費亭侯追加兼諫議印綬碑無所立年月在亳州歐陽棗集古錄目

右費亭侯曹騰碑云惟建和元年七月二十二日己巳皇太后

曰其遣費亭侯之國為漢輔藩而歐陽公集古錄乃言皇帝若

曰其遣費亭侯之國誤也按後漢書建和元年桓帝即位梁太

后臨朝稱制蓋此碑所載遣騰之國詔書乃梁太后非桓帝也

東漢自安順已來閹豎尊寵用事往往封侯貴顯其後騰之孫

操及其曾孫不再世數十年憑藉勢力卒移漢祚而有之以此

觀之閹豎用事之禍可勝言哉趙明誠金石錄

右費亭侯曹騰碑陰水經云譙縣有曹騰碑題云漢故中常侍

長樂太僕特進費亭侯曹君之碑延熹三年立碑陰又刊詔策

二歐趙不指此為曹騰碑陰失稽考也本傳云騰自安帝時為

黃門從官後以定策立威宗與州輔等七人皆封侯至大長秋

此碑前一篇建和元年七月己巳就國策書乃梁太后臨朝時

也後一篇乃喪贈制書傳云奉事四帝而水經有據則其亡在

威宗時嗚呼東漢之亡也以閹官雖小人道長作福作威履霜

堅冰勢之必然者蓋上失其道爾高帝約非有功不侯自和帝

封鄭眾而苴茅裂土者相踵至有同日十九侯者順帝又聽其

養子襲爵騰用事省閹三十餘年其養子嵩至於竊位台輔至

孫操遂問鼎矣朕與昨同蒙額今獨存云中常侍長樂大僕特
建費亭曹侯碑水經誤多四字洪适隸釋

曹騰碑篆額二行十四字其文無存者碑陰九行行三十六字

制曰平闕皇太后及先帝高出一字碑後尚存穿之半此文皆

在穿右末行以穿廢第四第五字洪适隸續

平輿令薛君碑在頤州

惟延熹六年春二月平輿令薛君卒烏牽哀哉吏民其咨咨君之德迺建碑石于墓之側其辭曰

於皇降德于茲我君我君殷祖官有世功迺侯于萍苗肩枝分作漢卿尹七世相承君之懿德性此淵真如冰之潔如玉之堅靡術不綜罔禮不遵忻忻之至三族呂敦英名委質宣昭令聞升州入宰晒乎其勛莅政已吾爛而有成遷典平輿匪威匪仁寬猛呂濟藪矣惟清化未期月邁此竺旻吏民穆卜嘗禱屏營旻天不弔不憇遺君晷晷徂命不可作國人巷哭若喪厥親躋白晷怛童穉唵呻嗟嗟酷痛如何昊乾靈柩旋歸於此空窆懷懷士傷惻顛酸辛姍族畢至素縞填庭於是吏民迺復追歎君初舉孝三署播名爰佐戎缺來臨汝南剖符之威千里同塵料揀真寶好此徽猷貢

奇達異迥酌清英遺風令歌永矢不愆云君回輜誰不褒歎缺意
迷流乃隕乃顛如可贖也人百其身昔邵臨國民謂之父今也薛
君追蹈厥緒身歿言存是謂不朽于我吏民悲慕罔已刊石紀銘
永昭于後

右漢平輿令薛君碑文字完好云惟延熹六年春二月平輿令
薛君卒烏虜哀哉吏民其咨咨君之德乃建碑石於墓之側其
後有銘三百餘言敘述甚詳惟不載其名字世系故莫得而考
焉趙明誠金石錄

右漢故平輿令薛君碑隸額前有叙凡三十六字大略云平輿
以延熹六年二月卒吏民咨其德建碑于墓之側次有銘詩三
百四言文雖無缺而不書其名字其云我君肇祖迺侯于薛者
謂夏之車正奚仲也又云作漢卿尹七世相承者西京有御史

大夫廣德沛人東京有千乘大守漢淮陽人其傳云世習韓詩

父子以章句著名元和姓纂云薛公獻策滅黥布其元孫曰廣

德而千乘又其元孫也平輿豈其苗裔耶其云君初舉孝三署

播名則知其以孝廉為郎也又云莅政已吾遷典平輿則知其

嘗治陳留之邑也又云來臨汝南剖符之貳者汝南治平輿縣

蓋以縣令為郡守之貳也又云昔邵臨國民謂之父者謂南陽

大字召信臣也薛君為令而云追蹈厥緒者取其循良而用之

不以守令為拘也詩云永矢弗諼禮云終不可諼兮二字蓋通

用此則借愼為諼也揚雄傳壘既壯夫傳說注云壯古攀字此

銘以君功承堅南清諼攀數聲為一章詞句鏗鏘若合音律漢

人作銘頌用韻多如此韓文公此日足可惜詩出入數韻中正

用此體即實字裏即懷字竺亦音篤碑云遇此竺是恐是亦借

老子銘 在亳縣

供據錄
釋錄八

老子姓李字伯陽楚相縣人也春秋之後周分為二稱東西君晉
六卿專証與齊楚竝僭號為王以大小相縣虛荒今屬苦故城
猶在左賴鄉之東過水覆其陽其土地鬱堦高敞宜生有德君子
焉老子為周守臧室史當幽王時三川實震以夏殷之季陰陽之
事鑿喻時王孔子以周靈王廿年生到景王十年年十有七學禮
於老聃計其年紀聃時以二百餘歲聃然老旄之貌也孔子卒後百
廿九年或謂周大史儋為老子莫知其所終其二篇之書稱天地
所以能長且久者以不自生也厥初生民遺體相續其死生之義
可知也或有浴神不死是謂玄牝之言由是世之好道者觸類而

長之以老子離合於混沌之氣與三光為終始觀天化識缺降升
斗星隨日九變與時消息規槩三光四靈左廟存想丹田大一紫
房道成身化蟬蛻渡世自藝農以來缺為聖者佗師班固以老子
絕聖棄知禮為亂首與仲尼道違述漢書古今人表檢以法度抑
而下之老子缺與楚子西同耕林不及孫卿孟軻二者之論殊矣
所謂道不同不相為謀也延熹八年八月甲子
皇上尚意弘道舍閔光大存神養性意左凌雲是以潛心黃軒同
符高宗夢見老子尊而祀之于時陳相邊韶典國之禮材薄思淺
不能測度至人辯是與非案據書籍以為老子生於周之末世玄
虛守靜樂無名守不惠危高官安下位遺孔子以仁言辟世而隱
居變易姓名唯恐見知夫日以幽明為節月以虧盈自成損益盛
衰之原倚伏禍福之門人道惡盈而好謙蓋老子勞不定國功不

加民所以見隆崇于今為時人所享祀乃昔日逃祿處微損之又
損之之餘貽也顯虛无之清寡云先天地而生乃守真養壽獲又
福之所致也敢演而銘之其辭曰

於惟缺惠抱虛守清樂居下位祿執弗營為繩能直屈之可縈三
川之對舒憤散暹陰不填陽孰能滯并見機而佗需郊出坳肥遁
之吉辟世隱聲見迫遺言道意之經譏時微喻尋顯推冥守一不
失為天下正處厚不薄居實舍榮稽式為重金玉是輕絕嗜去欲
還歸於嬰皓然歷載莫知其情頗違法言先民之程要以无為大
缺用成進退无恒錯綜其貞以知為愚冲而不盈大人之度非凡
所訂九等之敘何足累名同先日月合之缺星出入丹廬上下黃
庭背棄流俗舍景匿形苞元神化呼吸至精世不能庶叩其永生
天人秩祭以昭厥靈羨彼延期勒石是旌

過水北逕老子廟東廟前有二碑在南門外漢桓帝遣中官管
霸祠老子命陳相邊韶碑廟道元水經注

右老子銘按桓帝紀云延熹八年正月遣中常侍左官之苦縣
祠老子至十一月又遣中常侍管霸祠之而此碑云八月夢見
老子而祠之世言碑銘蔡邕作今檢邕集無此文皆不可知也

歐陽修集古錄

右漢陳相邊韶撰字為隸書不著名氏世以為蔡邕書據碑延
熹八年八月桓帝夢見老子尊而祀之韶時典其禮因而為銘

碑在亳州衛真縣太清宮歐陽棗集古錄目

右老子銘舊傳蔡邕文并書蓋杜甫李潮小篆八分歌有曰苦

縣光和尚骨立書貴瘦硬方通神世云此碑是也今驗其詞乃

邊韶延熹八年作非光和中所立未知甫所見是此碑否而本

朝周越書苑遂以為韶撰文而邕書初無所據碑言孔子學禮
時計其年紀聃以二百餘歲聃然老旄之貌也而史記言謚曰
聃按古謚法無聃字又碑云孔子以周靈王二十年生今以年
表及世家考之孔子以魯襄公二十二年生實靈王二十一年
未知孰是史書周太史儋事云孔子死後二百二十九年徐廣
注曰實一十九年今此碑所書正與史合不知徐廣何所據也

趙明誠金石錄

右老子銘篆額在亳州苦縣苦屬陳國故其文陳相邊韶所作

碑云延熹八年八月帝夢老子尊而祀之帝紀此年春冬兩遣
中常侍至苦祠老子水經載蒙城王子喬碑亦云延熹八年八
月帝遣使致祠國相王璋乃銘紀遺烈蓋威宗方脩神仙之事
故一時郡國競作碑表此石立於延熹無疑杜子美云苦縣光

和尚骨立者誤也碑中多用大史公語唯聃然老旄之說不同
韶以老子與子西同科深詆班孟堅之失至於韓非同傳則又
置而不論何也碑云孔子學禮於老子時年十有七按世家孔
子年十七孟釐子病誠其嗣必師孔子故孟懿子與南宮敬叔
往學焉其次又云敬叔與孔子適周見老子詳史之所記初非
一年中事况孟釐子卒在魯昭公二十四年孔子蓋年三十有
五矣韶不詳究史家之指而誤用之何貴乎五經笥也

碑以浴神為谷

神旄與耄同漉與度同林與纒同累與累同冢與冢同

洪造

老子銘篆額一行黑字文二十一行行四十一字皇上字平闕

洪造隸續

慎令劉君墓碑 在潁上縣

佚錄入

君諱脩字伯麟從事君六缺字十履和而至少罹難苦身服田晦動手

儉中字缺字七弟克諧其於鄉黨遜遜如也卑謙博愛恕已接人

字六缺政事君則安上竭節不求聲譽故為五福所歸派神三缺所

字時兄弟竝興于城子孫盈門克昌堂構非至德淳粹其孰能與

缺斯舉孝廉除郎中呂將事去官辟從事司徒掾典掌邊事遷慎

令行霖為之政崇澹泊呂惠利素苦風痺到官晷月見臣吏勅兒

子人命嗉吸不欲煩擾吏民欲生見舊土歸終於家百姓追逐扣

馬撰輪遂不復還年六十七建寧四年五月甲戌卒二弟龍純學

哀孔懷孤生雋協邵長孺恩慕立此碑銘以表景行其辭曰

於惟君德忠孝正直至行通洞高明采克鬼神富謙受茲泰福知

命不延引輿旋歸忽然輕舉志曠拔葵人皆有亾貴終譽兮歿而

不朽樂名著兮

右漢慎令劉君墓碑在今南京下邑其名已磨滅其字伯麟少
罹艱苦身服田畝舉孝廉除郎中辟從事司徒掾遷慎令卒年
六十有二其銘曰於惟君德忠孝正直至行通洞高明柔克鬼
神福謙受茲介福知命不延引輿旋歸忽然輕舉志激拔葵人
皆有亡貴終譽兮歿而不朽垂名著兮余家漢碑常患其銘多
缺滅而斯銘偶完故錄之 歐陽修集古錄

右漢故慎令劉君墓碑隸額在應天府下邑縣劉君名脩以孝
廉為郎終於宰邑靈帝建寧之四年也劉君不欲以後事煩擾
吏民且歛生見舊土遂解印去官可謂知命履道者矣漢碑多
門生故吏為之此則其二第三子所立古之經籍未有雕刻之
本學者各習其師故其文不一左氏春秋小戴禮荀孟諸子班

馬二史所引詩書多與今文不同漢末有私行金貨定蘭臺泰

書經字以合其私文者故靈帝詔諸儒正定羣經刊於石碑使
天下取則焉所存遺刻復與今之經傳文異而句別此碑云鄉
黨遜遜如也祝睦碑則云鄉黨遠遠皆與論語異而二者又自
不一盖其師說然也此碑又有動乎儉中鬼神富謙亦與今之
易不類奈即介字漳即淳字 洪适隸釋

幽州刺史朱龜碑 在毫縣

黃氏易藏舊拓翦裱本高廣行字數俱不可紀缺文據隸釋補入

濮故幽州刺史朱君山碑

君諱龜字伯靈廣陵太守之孫昆陽令之元子也君系祖孝之鴻

軌履大和之 垂載德不隕 仁義成於束脩孝弟相其

本性然而靈之下士勞謙克 厚載多容察孝廉除郎

中尚書侍郎 將事去官三府更碑 大尉高第 堂

之論建弘遠之議礫落煥炳臨疑獨逝故能光明越聞顯於區夏
英聲□□□□公族于時益州蠻夷侵寇邊鄙陸梁山野為害
日甚朝廷君文能□□武不□□御史中丞討彼亂略君統
整群帥方謀並設威神庭電燭于上下至□□郡□□□授手
乞降永昌太守曹鸞上紆鮮黨君不紆獲戾胥靡潛于□巷羣
□□□□□□碑輒已疾解鮮卑數犯鄯塞僉須舉君拜幽州刺
史爾乃蓮種書惠□□□□禁已紂姦穴養菲繇時雨之
澍品物除惡如農夫之務去單邊□□□□其疆土
門衛苑柝而無怵惕百姓不須屯其城郭出塞追殺□□□□
□□□□□□咨歎榮詔并涼君為式命不少延年六十四君光
和六年□□□□□□□□□□故吏牟化等僉君為夫有嘉功
祀而不輟或銘鍾鼎書□是述□□□□□□□□□□已乃立碑

史碑以中平中立在亳州

歐陽棊集古錄目

右漢幽州刺史朱龜碑在今亳州酈道元注水經云渦水東逕

朱龜墓北東南流冢南枕道有碑題云漢故幽州刺史朱君之

碑龜字伯靈光和六年卒官今以碑考之與道元所載皆合歐

陽公集古錄云龜之事跡不見史傳獨見于此碑爾余按後漢

書西南夷傳熹平五年諸夷反叛執蜀郡太守雍陟遣御史中

丞朱龜討之不能克太尉掾李顯建策討伐乃以顯為益州太

守發板楯蠻擊破平之常璩華陽國志亦載其事與史同惟史

與華陽國志皆言龜不能克而碑云蠻夷授首乞降二說不同

疑碑所書非實錄也碑陰文字殘缺初余讀酈道元注水經云

朱龜碑陰故吏姓名多上谷代郡人知此碑有陰因託人就亳

社模得之附於碑後趙明誠金石錄

右漢故幽州刺史朱君之碑篆額有陰在亳州朱君名龜石有
碎落不能詳其官闕其可考者嘗以御史中丞督捕益州蠻又
為幽州刺史禦鮮卑爾靈帝光和六年卒水經云故吏別駕從
事史右北平無終牟化中平二年造碑碑陰故吏姓名悉薊涿
及上谷北平人後漢帝紀熹平五年四月益州夷叛太守李顯
討平之五月永昌太守曹鸞坐訟黨人棄市門生故吏在位者
皆免官禁錮西南夷傳云蜀郡諸夷反執太守雍陟遣御史中
丞朱龜討之不能封李顯發板楯蠻平之碑所載與紀傳合趙
氏謂碑云授手乞降非實錄也予謂碑中初無斬首獻俘策勳
受賞之語但云乞降未嘗受降何害於理乎碑以碑落為磊落
庭電為霆電壹緼為網緼邕即播字洪适隸釋

朱龜碑篆額二行有穿文十七行行卅三字有碁局之紋洪适隸釋

碑圖

右漢故幽州刺史朱龜殘碑并額計中間空闕處與洪氏隸釋

正同而尚軼去大半是重刻本之僅存者以洪所云闕者攷之

邁種下是書惠二字惠字江秋史所釋的確不易網箱跋方

此碑有永昌太守曹鸞上紙云云隸釋缺紙字玉篇紙所除所

去二切亦疏字據此知即上疏異文又證顧野王之有本孫星衍跋

此碑宋紙舊拓雖重刻亦希有之迹惜存字無多耳洪氏隸釋

有四百十三字今只存一百六十四字惟書惠二字洪釋所無

也黃易跋

富春丞張君碑在亳縣

佚據隸釋錄入

君諱缺字缺龍缺君之第三子缺君之弟缺下承父兄缺下矜矜窻

悔遊居出缺孝友宣聞忠信濶缺下涉賈多缺通朝立節正言卓缺下

如松歲寒而不凋缺六字州從事臨疑吐缺下深缺下其操缺智缺君缺

之尤可稱缺下有秩除吳郡缺下約清間教缺下丞道邁缺疾三年癸亥

景命不祿君缺嚴平李德上感缺下新市富春各復早世既隕慈恕

續嗣不茂衷心摧剝靡缺下碑古今之常乃登山萊石刊照厥勛其

辭曰峨峨富春膺姿清烈孝擬參騫人無間伐與友必信久而缺

密缺字三敬州間稱實佐政流化委歌吳域位細德弥禮讓雖穆曷

寤旻穹圮此英詰哀矣永徂命不可追周孔至仁弗能扞違銘勛

示後呂章厥輝

右漢故富春丞張君碑篆額在亳州張君之名彷彿如瀆字土

人以為張湛亦非也碑載其父兄而官稱磨滅誌文多不成章

而銘詩可讀其間云三年癸亥景命不祿考東都歷年凡三癸

亥永平與光和之六年延光之二年是也建光有三年則歲在

癸亥但次年壬戌已改延光亳社去雒陽不遠不應踰兩載而

不知改元也此碑先已裝剪不無顛倒棄去者三年之下盖有

闕文也世即世字菜即采字洪适隸釋

相府小史夏堪碑在亳縣

佚據隸釋錄入

字缺三曹小史夏堪字耐德帝禹之精苗缺侯之遺字缺三零陵太守

之相嗣也易世承系休祚仍垂印綈字缺三豔罔託堪繼令縱受氣

蹈真丰在洗缺奉親恭順字缺二束脩捺絮冰雪苛獲縣選初涉府

朝典職首曹聰缺施布天殲良善卒邁瘵疴賣命友摧國空貞清

收傳寵道官道臨叩慈恩感踴族姻追傷娉會謝氏并靈合樞古

命有之仲泥何悅嗥嗥呼哀哉其辭曰

嗟對德舍澗勳質珪玉性馥芬視缺捺帚騏顏愧龍階望浮雲跽
尺水津未彊春萼萌遭雹霜壽不究魄蜚揚情悲切著篇章刊石
銘傳萬年

右相府小史夏堪碑云夏堪字叔德帝禹之精苗零陵太守之
根嗣也後有銘銘三字語頗古其卒葬年月殘缺字雖不工然

漢碑也其曰精苗根嗣漢末人為文喜造語多類此趙明誠金石錄

右故相府小史夏堪碑隸額在亳州文則崛竒字甚怪陋有難

以意會者東都辟公府掾皆上言故有秩比古之元士三命者

東西曹比四百石餘掾比三百石屬比二百石其不言者則為

百石屬後皆自除故通為百石自西曹東曹之下有戶曹奏曹

辭曹法曹尉曹賊曹決曹兵曹金曹倉曹此碑之前曹上有闕

文其間云典職首曹必東西曹也以其蚤世故謂之小史爾跽

尺水津未強春華萌遭電霜造語殊為不苟希騏顏者蓋用法
言睇驥亦顏之語然以夫子為仲泥則狎侮之罪大於子雲之
準易也碑以緋為紱道為寮跡為跡洪适隸釋

魏

大饗碑在亳縣

佚據隸釋錄入

惟延康元年八月旬有八日辛未魏王龍興踐祚規恢鴻業構亮
皇基萬彘統世忿吳夷之凶暴滅蜀虜之僭逞于赫斯怒順天致
罰奮爐席之校簡猛銳之卒爰整六軍率白怒暨單于烏栢鮮卑
引弓之類持戟百萬控弦千隊立甲曜野華旗蔽日天動雷震星
流電發戎備素辦役不更藉農夫安疇商不變肆是以士有拊譟
之驩民懷惠康之德皇恩所漸無遠不至武師所加無強不服故

寬令西飛則蜀將東馳六旆南徂則吳黨委質二虜震驚魚爛
潰將記自三江之流方軌邛來之阪斬吳夷以染鉞五蜀虜以
鼓曜天威於遐裔復九圻之疆寓除生民之災孽去聖皇之宿憤
次于舊邑觀釁而動禁壇壝之宮置表著之位大饗六軍爰及譙
縣父老男女臨饗之日陳兵清涂慶雲垂覆乃備俾御整法駕設
天宮之列衛乘金華之鸞路達升龍於大常張天狼之威孤千乘
風舉萬騎龍驤威靈之飾震曜康衢旣登高壇蔭九增之華蓋處
派蘇之幄坐陳旅酬之高會行無莛之酣飲旨酒波流青烝陵積
藟師設縣金奏讚樂六變旣畢乃陳祕戲巴俞丸劍奇舞麗倒衝
夾踰鋒上南踰高舩鼎綠撞舞輪擿鏡騁狗逐兔戲馬立騎之妙
技白席青鹿辟非辟耶魚龍靈龜國鎮之恠獸環變屈出異巧神
化自卿校將守以下下及陪臺榭園莫不歆淫宴喜咸懷醉飽雖

夏啓均臺之饗周成岐陽之狩高祖邑中之會光武舊里之宴何以尚茲是以刊石立銘光示來葉其辭曰

赫王師征南裔舊靈威震天外吳夷誓蜀虜竄區夏清八荒艾幸舊艱設高會皇德洽洪恩邁刊金石光萬世

魏文帝以延康元年幸譙大饗父老立壇於故宅壇前樹碑題云大饗之碑廊道元水經注

按魏志文帝以建安廿五年嗣位為丞相魏王改元延康夏六月南征秋七月甲午軍次於譙太饗六軍及譙父老今以碑考

之乃八月辛未蓋魏志誤也是時丕為丞相漢獻帝猶在位雖政去王室已久然操之死纔數月爾丕軍次舊里初無念親之心乃與羣臣百姓置酒高會大設伎樂而臣下又相與伐石勒

詞夸耀功德更以夏啓周成漢高祖光武為比豈不可笑也哉

右大饗之碑篆額在亳州譙縣魏文帝延康元年立相傳為梁

鵠書碑字有不明者唐大中年亳州守李暨再刻故有文可讀漢

獻帝建安二十五年正月魏王曹操死其子丕嗣位改元延康

魏志云丕以七月甲午軍次于譙大饗六軍是時漢鼎猶未移

也丕為人臣而自用正朔刻之金石可謂無君之罪人也武王

載西伯神主于軍中者弔民伐罪之師也不以姦賊之心欲吞

吳翦蜀遂攘神器爾操之肉未寒而置酒高會酣飲無筭金奏

間作祕戲畢陳誇辭諛語無所忌憚可謂無父之罪人也士大

夫積藏其碑者特以字畫之故爾碑云八月至譙而史作七月

亦不必多辨也碑以俾御為躡禦九增為九層均臺為鈞臺觀

魏大饗碑隸額二行有穿穿旁有刺螭之紋磨滅不全文十九

行行三十字洪造課續

魏大饗碑在譙縣魏文帝廟有陰梁鵠書圖經云曹子建文鐘

錄書延康元年天下碑錄

下豫州刺史脩老子廟詔在亳縣

伏據續錄入

告豫州刺史老聃字缺五孔子字缺二魯缺為孔子立廟字缺三桓帝

字缺四政字缺三而事老子欲一缺字十由桓帝字缺五老子字缺三我缺屋朕

亦以字缺四行缺者字缺五樓屋字缺二黨缺嚴缺故更脩正臍温字缺二

秋字缺八往禱字缺二禁其宣告吏民字缺二聞知如故事

黃初三年十月十五日缺子下

熙寧元年二月十八日余率僚屬謁太清諸殿裴回兩闕之下

周視八檜之異窺九井禹步之奇酌其水以烹茶而歸十九日

右魏下豫州刺史脩老子廟詔其文曰告豫州刺史云云如故
事黃初三年十月十五日下此式與漢詔同苦縣過水北有老
子廟水經云廟前南門外有漢碑北有雙石闕甚整頓在闕南
側魏文帝黃初三年遷譙所勒此碑凡十三行行八字其磨滅
者秦半其前有魯爲孔子立廟字蓋援先聖爲比也其間稱漢
帝者再蓋東京惟威宗尊祠老子帝紀載延熹八年兩遣中常
侍至苦祠老子祭祀志云延熹九年帝親祠老子於濯龍文廟
爲壇飾淳金鉛器設華蓋之坐用郊天樂故魏詔再三言之蓋
是詔豫部脩祠之事當時刻之于闕也碑後歲月日之下闕子
上一字按四分歷是年十月壬戌朔則十五為丙子日碑之下
方有唐開元及天寶間題字數十行乃真源縣令邵昕記祠醮

投龍等事真源屬亳州今日衛真即漢之苦縣也洪适隸續

魏脩老子廟詔十六行行八字後兩行書年月下一段有唐人

題字同上

魏下豫州刺史修老子廟詔碑黃初三年立在亳州集古錄作

大清東闕題名亳州志

晉

黃庭經蘭亭叙石刻穎上縣出土今斷石存南照楊氏

明拓本黃庭經正書蘭亭叙行書明末石碎今存一小石

古齋石刻

黃庭經

上有黃庭下有關元前有幽關後有命噓吸瘡外出

入丹田審能行之可長存黃庭中人衣朱衣關門壯齋

蓋兩扉幽闕俠之高魏々丹田之中精氣微王池清水上
生肥靈根堅志不裏中池有士服杰朱橫下三寸神所居
中外相距重開之神廬之中務脩治玄靡氣管受精符
急固子精以自持宅中有士常衣絳子能見之可不病橫
理長尺約其上子能守之可無恙呼喻廬間以自償保守
兒堅身受慶方寸之中謹蓋藏精神還歸老復壯俠
以幽闕流下竟養子王樹不可杖至道不煩不旁迂
靈臺通天臨中野方寸之中至闕下玉房之中神門戶
既是公子教我者明堂四達法海負真人子丹當我前
三關之間精氣深子欲不死脩崑崙絳宮重樓十二級
宮室之中五采集杰神之子中池立下有長城玄谷邑長
生要眇房中急棄捐搖俗專子精寸田尺宅可治生鑿

子長流心安寧觀志派神三奇靈閑暇無事脩太平
常存玉房視明達時念大倉不飢渴使使六丁神女
謁開子精路可長活正室之中神所居洗心自治無取
汙歷觀五藏視節度六府脩治潔如素虛無自然道
之故物有自然事不煩垂拱無為心自安體虛無之居
在廡閒寂莫曠然口不言恬快無為遊德園積精香
潔玉女存作道憂柔身獨居扶養性命守虛無恬快
無為何思慮羽翼以成心扶疏長生久視乃飛去五行
參差同根節三五合氣要奉一誰與共之升日月抱珠
懷玉和子室子自有之持無失即欲不死藏金室出月
入曰是吾道天七地三回相守升降五行一合九玉石落是
吾寶子自有之何不守心曉根蒂養華采服天順地

合藏精七曰之竒吾連相舍崐崙之性不迷誤九源之
山何亭々中有真人可使得令蔽以紫宮丹城樓佚以日月
如明珠萬歲照々非有期外本三陽物自來內養三神
可長生魂欲上天魄入淵還魂反魄道自然旋璣懸珠
環無端玉石戶金蓋身兒堅載地玄天迫乾坤象以四
時杰如丹前仰後卑各異門送以還丹與玄泉象龜引
氣致靈根中有真人巾金巾負甲持符開七門此非枝
葉實是根晝夜思之可長存仙人道士非可神積精所
致和專仁人皆食穀與五味獨食大和陰陽氣故能不
死天相既心為國主五藏王受意動靜氣得行道自守
我精神光晝日照々夜自守渴自得飲飢自飽經歷六
府藏卯酉轉陽之陰藏於九常能行之不知老肝之

為氣調且長羅列五藏生三光上合三焦道飲猶味我
神魂魄在央隨臍上下知肥香立於懸雁通神明
伏於老門候天道近在於身還自守精神上下開分
理通利天地長生草七孔已通不知老還坐陰陽門
候陰陽下于龍喉通神明過華蓋下清且涼立於明
堂臨丹田將使諸神開命門通利天道至靈根陰陽
列帑如流星肺之為氣三焦起上服伏天門候故道闕
離天地存童子調利精華調髮齒頰色潤澤不復白
下于龍喉何落：諸神皆會相求索下有絳宮紫華
色隱在華蓋通六合專守諸神相呼觀我諸神辟
除耶其成還歸與大家至於胃管通虛無閉塞命門
如王都壽專萬歲將有餘脾中之神舍中宮上伏命

門合明堂通利六府調五行金木水火土為王日月列宿

張陰陽二神相得下王英五藏為主賢冢尊伏於大陰

藏其形出入二竅舍黃庭呼吸癩間見吾形強我筋骨

血脉盛恍惚不見過清靈恬惓無欲遂得生還於七

門飲大淵道我玄靡過清靈問我仙道與竒方頭戴

白素距丹田沐浴華池生靈根被髮行之可長存二府

相得開命門五味皆至開善氣還常能行之可長生

永和十二年五月廿四日五山陰縣寫

蘭亭叙 唐臨繪本

永和九年歲暮春之初會

于會 契事

也羣賢畢至少咸集地

有峻領茂

崇山

湍暎帶左右引以為流觴曲水

列坐其次雖無絲竹管弦之

盛一觴一詠亦足以暢叙幽情

是日也天朗氣清惠風和暢仰

觀宇宙大俯察品類之盛

所以遊目騁懷足以極視聽之

娛信可樂也夫人之相與俯仰

一世或取諸懷抱悟言一室之內

或寄所記放浪形骸之外雖

趣舍萬殊靜躁不同當其欣

於所遇暫得於已快然自足不

快信

知老之將至及其所之既倦情
隨事遷感慨係之矣 所

欣浼仰之間以為陳迹猶不

能不以之興懷况脩短隨化終

期於盡古人云死生亦大矣豈

不 哉每攬昔人興感之由

若合一契未嘗不臨文嗟悼不

能喻之於懷固知一死生為虛

誕齊彭殤為妄作後之視今

亦由今之視昔 悲 故列

叙時人錄其所述雖世殊事

異所以興懷其致一也後之攬

者亦將有感於斯



先年民間于學基內掘井得石洗視乃王羲之蘭亭序黃庭經

二刻并有銅鼎銅爵石刻存縣庫鼎爵存學宮二刻上憲檄令

摹搨殆無虛日明末碎毀

縣志上

潁上南關井萬歷時有白光如虹淘井得石鐵皮銅其外啟之

碧綠溫潤面黃庭有思古齋石刻五篆字背蘭亭序有蘭亭序唐

臨絹本七楷字崇禎二年張公俊英蒞潁搨數萬張而碎其石

潁上風土記

按江南通志云今潁州人劉氏重鑄則今之本即劉氏重鑄者

也其原本尚存石一小塊面背各存數十字

趙紹祖安藏石略

商邱宋公榮筠廊偶筆載嘉靖中禎上人見地有奇光發得古
井內函一石上刻蘭亭黃庭前有思古齋石刻五篆字下有唐
臨絹本四楷字後有墨妙筆精小印印細而小疑是元人物識
者定為褚河南筆初搨不數張紙惡而字甚完好次搨紙墨皆
精蘭亭類字遂爾殘缺最後為一俗令妄補大可憎且搨皆竹
紙草略殊甚僅得形似耳今此石碎已久即竹紙者亦不得易
得云云予於嘉慶初得此刻於吳城舊肆用白紙朱搨蘭亭類
字雖經妄補其左下大謫作女而石刻完好摹拓甚精風韻神
采較予家所有國子監及東陽所得石塔寺本遠勝內在癸丑
稽山陰之蘭亭修長此林脩竹又有清流激之廿一字皆空而
未刻以桑氏蘭亭攷證之知宋紹興內府所藏五本之一缺此
廿一字而此刻中天字不空乃空宇宙下之字知今蘭亭攷作

天乃傳刻錯誤也又凡塗改各字亦皆空則蔡氏遺而未舉矣

北宋蘇太簡承旨璠家藏蘭亭第一本為唐模絹素上有墨妙

筆精印亦見蔡氏攷中又二王帖中亦有之則牧仲疑此印為

元人物者非也此刻即非宋模其為出於蘇承旨家之唐摹絹

本無疑瞿中跋

唐

宣州刺史陶大舉德政碑在當塗縣丹陽鎮南禪那院

拓本連額高六尺廣二尺六寸五分正書三十四行行七十六字額下有穿如漢碑式

高仲興子誦虞君寶跋正碑

額平列十一字篆書陽文字經二寸五分

前高躅者惟明明缺



庫之鋒灼灼□翰林之□曩者伏滔宏瞻方梯著作之榮□清

高言從展驥之職而芳風懿範□□□兄諱大有□通事舍

人鄆州刺史安西都護上柱國燕容縣開國公局度端凝幹能強

濟量色江海氣蘊風雲孕彼人英襲茲天爵委質從政踐丹地而

光緝□帝猷露冕頌條開襜帷而宏□□□君房之故事則

寵冠當時嗣伯舉之高蹤迺榮超望表馮野王之兄弟璧合珠聯

潘安仁之孔懷花明錦績豈與夫八龍騰藹照灼前書兩□飛英

鏘洋後菜而已公積慶蓋田耿長虹之□□分枝□□□日之

□雅裁發□天姿韶亮儼乎風骨□川三篋洞曉神機洛陽萬

卷暗符靈府言泉瀉態接瀚海以疏瀾藝圃含葩擁詞條而振綺

玉帳金壇之妙迴鸞反鵲之奇綠沈明月□□□鴻之□□

□懷抱囊括古今摠萬善於心臺聞羣言於玉吻晉司空之博

物纔敷辯叙之言魯司寇之多聞猶迷對日之說咎章擢穎豈日

同年既而漸陸遷鶯即撫翔鳩之化登□結組□踐□之□至

摠章元年轉授使持節鄆州諸軍事守鄆州刺史散官如故摠章二

年授使持節渭州諸軍事渭州刺史散官如故至咸亨元年授使

持節都督十五州諸軍事守洮州刺史□詔云□□□風識朗

□廉能克劬幹略兼優歷職臬藩聿挺仁明之譽攝官方鎮載彰

撫馭之材即試為真允光朝命六年轉授使持節都督七州諸軍

事守鄆州刺史散官如故□詔云體質□□□方□

克播威名□□□允符□其年轉授使持節許州諸軍事守

許州刺史散官如故至咸亨五年授中散大夫使持節都督四州

諸軍事守秦州都督□詔云器識沈敏□□□□□

仁明之政宜崇朝獎爰秩臬藩至上元

左雄之廉儉六條備舉化軼兩歧百城仰德恩隆五袴倉廩

實學校興行四之權千里決神明之訓家殷俗阜繫公

力

圖賈勇千群馬擁橫天之陣沉沙萬計霜戈騰照日之鋒自謂

九州兩雄據一方品彙噉然側足無地公

以奉詔仁風從草偃振

羽字飛悠悠迴塗指日遄屆遂乃躬率子弟架御吐黎示以禍

福之門以短長之温一灑人思挾纊之恩美喻纒靈士

斷布飛灰之氣四馬公乃

運不測之深智縱無窮之遠圖或左持而其喉或右掬以燃其

腹提戈援甲接一鼓騰威九宴俄戡斯寔天波廣運

廟略得動

豈使歸軒 □ 蓋攀轅無可逮之悲去鷓騰漪挽軸有傷心之痛道
士陶 □ 僧道元僧曇紹僧惠 □ 僧弘 □ 僧智矩僧玄濟僧惠幹周
元清陶紹真 □ □ □ □ □ □ 紹宗陶 □ 邢元 □ □ □ □ □ □
及州縣吏人等六萬餘戶惜棠陰之易遠徒雷勿翦之詩曰御難
羈空切銷魂之賦若不 □ 茲紺楚無以絢彼 □ 猷庶使寰海揚塵
而德聲無絕銘曰

□ □ 胄伊祁命族派演瓊波枝分若木迹膺星象靈搞嶽瀆左

貂右蟬丹輪朱輟一其龍生渥水玉產藍田誕茲人傑孕此英賢匡

周翼漢裂壤開壘蛇蟠結組龜紐乘蓮二其天縱挺生黃中 □ □ □

□ 九棘功色四履珥筆 龍局含香 帝宸基仁踐孝泉淳嶽峙

三其藝殫玄圃學富蓬臺花牋繡 □ 銀鈞月開碧雞雄辯雕虬逸才

吞應納謝含鄒孕枚 其建節班條褰旆問俗恩歸五袴貞存 □ □

□ □ 如 □ 捐金似粟青梧鳳丹黃沙草綠其愛洽惇黷信霑童馬

懷忠攝德矜孤恤寡蝗移獸去錦開鷓下雉麦分歧吟蟬被野六其

馳驟故里懷章舊館喧盧靜夜鳴雞警旦榮慶兩歸簪黻 □ □ □

□ □ □ 嗟別岸其未暮悽歌去思纏想勲銘鼎思雷葦杖日

新月故風歸雲往俾令範與嘉聲永鏤勳於穹壤八其唐

永昌元年歲次己丑二月甲申朔十三日景申立

右碑前數行漫漶不能讀以寶刻叢編證之知府君名大舉撰

文者僧靈廓書之者陶德甄也大舉以弘道元年刺宣州垂拱

四年改刺相州明年始立此碑其時猶未改唐為周碑中詔字

亦未回避也王象之云碑在當塗縣東六十里丹陽鎮南之禪

那院今石故無恙而地僻左知之者尠頃歲朱竹君視學安徽

始訪得之錢大昕潛研堂金石文跋尾

錢辛楣少詹云以寶刻類編證之知府君名大舉撰文者僧靈
廓書之者陶德甄也諦視碑前尚有祖諱昱梁衡山郡太守父
諱瓚梁著作隨西河司功皇朝滄州清池縣令介州司馬上柱
國丹陽縣開國公字可辨大舉自總章元年至垂拱四年歷廓
渭洮鄯許秦始梁恒宣相懷十二州刺史加銀青光祿大夫丹
陽縣開國侯皆有詔褒獎可謂善於其職矣以弘道元年授使
持節宣州諸軍事守宣州刺史至垂拱四年轉授相州刺史在
宣州凡五年碑為道士陶口僧道元曇紹周元允陶紹真等所
立在永昌元年二月十三日其距去宣州任時止二年趙明誠
金石錄有唐恒州刺史陶雲德政碑稱永淳三年此碑授恒州
刺史在調露元年弘道元年轉宣州永淳三年正其在恒州時
寶刻叢編引集古錄目云雲字口舉河南伊闕人然則類編所

稱名大舉者是其字也

洪頤煊平津讀碑記

東岑人物考云宣州刺史陶世長敘述先塋刻於陶大舉碑陰

云自漢至唐凡三百七十七所皆大官勲爵吁亦盛矣

當塗縣志

按碑云大舉以弘道元年刺宣州續纂江甯府志弘道誤釋

宏德又碑在當塗丹陽鎮南禪那院

俗稱丹陽寺

距當塗江甯分

界地尚有二里江甯府志云在江甯小丹陽東嶽廟亦誤

薛謙石刻殘字石出河南陝州今藏貴池劉氏

拓本高二尺四寸廣五寸兩面刻行字不等字徑六分分書

柔克有功

鵞勤

大周長安四年歲次甲辰六匝九

朝饒郎行太州參軍事河東薛謙

五成巨塊璠魚器之文

圭石

憑其次立言會之以神明奉之以玄極則是璧至之道歷千

鑿未泯潛龍異崇德之和韶夏猶傳鳴之知言之是

期語至然後丹青慄墨蓮不宰於時

聖之二

二至家言是斤寸土之

殘碑兩面道光癸卯夏日陝州漁人得于河中刺史李公溟以

墨本寄余存字雖無多而年月結銜具在攷華州唐垂拱初攷

太州見唐書地理志薛縑為河東薛氏魏河東太守昂之裔官

終金部員外郎見宰相世系表又攷華州乃上州參軍事從八

品下文散官朝散郎從七品上貞觀令以職事高者為守職事

卑者為行仍各帶散位縑以從七品上階任從八品下之職故

曰行也甲辰春日

劉喜海題跋

此碑僅存一角字在兩面其側有青蓮鸞鳥繪刻極細上元孫文川所藏云其戚李刺史溟得於河南推測碑意似道觀之文也武后長安年號僅有四年其次年即改神龍月作匪聖作暨正作正皆武后自製之字新唐書百官志文散階從七品上曰朝散郎上州刺史參軍事四人從八品下此云朝散郎行太州參軍事者舊唐書職官志職事官卑一品為行也地理志無太州惟關內道同州縣八下注云有府二十八第四為太州此府謂府兵也據兵志凡天下十道置府六百三十四皆有名號而關內二百六十有一故同州得有府二十八兵志府兵都尉屬官惟有長史而無參軍事疑武后時曾置太州史失書也同州今為府隸陝西省河東薛氏郡望其本貫無可考矣撰碑之人

姓趙猶存其半左側空行有行官中部等字義不可解蓋後人

所刻今不錄續纂江甯府志

大房山孔水投龍壁記 石出順天房山今藏寶池劉氏

拓本高一尺三寸五分廣二尺四寸
二十四行行十三字字徑八分正書

維開元廿七年歲在己卯春三月府城西南有大房山孔水其水

也地僻幽閑石堂華麗雲峯攢嶺宛度千齡清泉引流勢將万古

耿才拔俗之士度白雲以方臨蕭灑出塵之賢干青天而直上信

知山水之靈矣伏惟 開元聖文神武皇帝纂承洪業肇自開

元率土晏清廿七年矣去開廿三年內供奉道□呂慎盈奉

勅於此水投龍壁暨廿四載□□□□又奉

勅於此投龍壁今又奉 勅於此投龍壁焉于時有御史大夫

南陽張公諱守珪為府主矣監官功曹參軍段暉法師觀主李又

玄使上坐李義遠平吳風高味虛張若水龐味道杜崇仙李西昇
李崇玄童子李延忠等三日三夜登壇投告只夫陵谷推移百齡
詎幾僕遂斐然書美封山刊焉詞曰丹嶺嵯峨雙峯邈迤涿水
涓涓清泉泚泚蘭蕙蕩蕩松風靡靡百草開葩衆花吐蕊刊龍
璧之有功庶千齡兮無毀威儀張湛詞

右碑原無題額張湛詞序云開元廿七年己卯三月府城西南
有大房山孔水自廿三年內供奉呂慎盈奉勅投龍璧廿四年
又投璧至是而三矣樂道家有金龍玉簡學士院撰文具一歲
齋蕪投於名山洞府則龍璧為二物金石錄所載雲門山投龍
詩北海太守於天寶元貳歲下元日投金龍環璧於此山是也
元宗崇信道家之說祭祀無秩碑云法師平步風張若水高味
虛童子延忠等三日三夜登壇投告僕恐陵谷推移封山刊焉

不僅糜資祈福為無謂使封山出於臣下尤可嗤焉山在順天

府良鄉縣唐志云大防山似當以碑為正

葉奕苞金石錄補金

按耶律鑄雙溪醉隱集有留題大防山孔水詩序云唐明詹記

大厯寺孔水云或有人浮輕舟探邃穴入瀕洞莫究其原但有

仙鼠晝飛頰鱗時見又遼壽昌五年飛冥子鮮于鴻作孔水銘

其序云按幽州土地記沙門惠珍嘗篝火入經五六日方還亦

不測其淺深安知此水不與瑤池潛通桃源相接乎故開元天

子每每時雨降必遣使投龍壁於此則休應響答事存諸往記

焉山主如上人言洞有白龍時復出見輒化為魚形狀絕異泰

和乙丑冬忽流桃花花片皆五錢計至今洞中且有樂音不絕

此孔水之大概也今泰山有神龍元年劉恩義投龍造象記雲

門山有天竇十一載趙居貞投龍詩蓋唐時風尚也

劉世琦賈池金石記

成果寺常住田碑記在宿縣

拓本下截殘缺高不可計廣一尺六寸上有西方三聖象下記十五行字徑八分行書額六字平列正書左右側題名均正書

南無阿彌陀佛

大唐成果寺塢口東北常住缺下易稱耒耜之缺下詩著錢鏹之勤缺下

□ □ □ 厚生 □ 其端故知播殖之缺下 □ 不循之以為保息之道焉

則我缺下揚言曰此土沃饒雍州之次此田缺下所致常住之田一段

□ 夫親自檢缺下用端立石以旌之中央建碑以紀缺下田移碧海地

陷澄湖墜百無改缺下美詞曰 有上人兮智力精缺下其昌冥

空幽顯兮知厥 □ □ 芬芳缺下 □ 多其義而頌其良俾千齡缺下應 □

薰薰兮 □ 蒼 □ □ 瀚法界缺下况廣常住之業田能致永年之福缺下

以頌中極 天寶拾壹載缺下

符離縣令盧勸 承皇甫穆主簿缺下

碑左側

大唐天寶之□□年其間興廢之迭更兵火之相殘不知凡幾

□□剝落□迹可尋□也非人也此碑在 鉄佛堂前法

像缺毀行者過而不問乃楊君九成與同會諸善□□資鳩

工重開生面予見碑額有種嗣之名從此而□□茂庶幾

廣無量功德也□堂為沈氏家廟香火□稱最盛予不復記

姑□其興廢之由及施財姓氏例應壽之□以誌不泯

寄法門弟子蔣嘉秀沐手書

山主信官沈□□男信官沈□□婦張氏

侄婦楊氏

會首 楊煥□男□芳孫三□楊□王三聘孫光先

梅玉柱李池星萬子明石榮貴李□龍姬文李郜崇祖

□有仁余得水周進魁□脩呂天煥張從沈玉周伯龍

張應奇刘邦英□國政陸守□崔元勳沈義□沈玉

嗣沈榮沈起陳□

大清國順治捌年歲次辛卯捌月二十日吉時重立 住持廟

僧海□刻石人馬文茂

碑右側

□造碑 施種子諸大施主等□名□後

□注 □暉 衛恒 王希□□□李什□妻陳男晏誠

李立武 武□□□妻高男從政□□琦朱□妻四

男三□男三友 宋期 馬希一□□男旻□

□□□鈇 宋侍舉□吳 男文武□元宵□浩□朱

知□妻梁 男□男軋□男軋祐 朱知運 武王□

董訓之 虞憲 □ □ 神瑾 奠 □ □ 妻 □ □ □ □ □ □ 王言

王周 張守一 魏希林 陳希莊 □ □ □ □ □ □ 同運 申 □

桓 □ □ □ 虞璠 弟彥璋 姚恂 荀庭玉 焦庠鸞 □ □

□ □ □ □ □ □ 能 劉玉孫 梁奉仙 譚 □ 眼 王

思本 武仲均 朱 □ □ □ □ □ □ 秦 □ 王崇 □ □

母張 □ 蜀妻夏 張攝 □ 武瓚之 劉敬 趙休 □ □ □

□ □ □ □ □ □ 張 □ □ □ □ 觀 □ 志通 朱貢 陳驍

任綰之 李君迤 □ □ □ □ □ □ □ □ □ □ □ □ □ □

□ □ 僧 □ □ 陳運 □ □ □ 劉難 劉 □ □ □ □ □ □ □ □

謙卦爻辭 在蕪湖縣文廟

後一石四行皆十字篆書末有張大用跋四行分書
招本凡四石各高一尺八寸廣二尺五寸前三石均六行

三三三 謙 合 日 子 司 終 豕 日 謙

合天階下濟天谷國陸繼
天而上天階虧盈而益
階地階繼盈而流兼鬼神
周而福繼久階盈而天
地階繼萬夫谷卑而不可
踰象乎上終中象曰陸中
勿山謙象中以息多益願
稱物于稱物中謙階高也
用泄天川吉象曰謙辭有
孚是也自牧也介三鳴謙
貞吉象曰謙謙貞吉中必
得也九三言謙象中言終
吉象曰言謙而中言民服
也中言而不利謙象曰

謙字世多疑之案漢書藝文志易之嗛嗛一謙而四益顏氏注

嗛字與謙同大學此之謂自謙鄭氏注謙讀為慊荀子臭之而

無嗛于鼻楊倞注與慊同蓋謙嗛慊三字古皆通用也說文厓

古文籃字集韻廉古作厓廉與籃聲相近故可借用碧落碑飛

廉之廉作厓蓋省一少此碑以言厓厓為謙則借廉為兼也訛

說文多語也唐韻汝閭切與謙字音雖相近而義各殊未知少

温所據錢大昕潛研堂金石文跋尾

濟陽郡蔡夫人墓誌潛山縣北黃山出土今藏王訪陸氏

拓本高廣均一尺一寸五分正書

故濟陽郡蔡夫人墓誌

五經周 羣撰

夫人温温恭人尅道崇象秦漢自迹枝葉怡然史籍具書□□載

七代祖英正議大夫晉昌郡王食邑三百戶知軍守冀州司馬

曾祖偵 皇試家令寺主簿 祖泐下試太常寺協律郎 父穆高

道不仕 耽悅羣書陳詩泐下知難而退夫人即處士之長女也夫人

四德早著令泐下彰適南陽 立太廟齋郎出身調選臨歧遠疾而

碩泐下有子曰知禮女二人長適吳郡錢克規前試江州泐下有經邦

之才達人之志行忠孝以撫孤幼邱惇獨泐下 人礼義備修仕之

上也次適長樂馮行宗職任泐下自握權管衆所美焉夫人惠湫温

柔玉潔蘭馥外泐下親族内 令儀九族之中無不咸悅時年卅九

大泐下三年四月九日終以 年八 日葬于舒州泐下寧縣峴

源鄉北園里山 之 嗣子知禮備以泐下 經筵踊悲哀感隣恐

谷異遷尅石為記

銘曰

□ 水清兮天慘風淒 □ 貞姿柔德同歸兮 □ □ 今齊 青龍白

獸衛兮蟠右蹲西 □ □ □ □ 年 泐下

按誌云大 □ 三年四月九日終大字下泐其紀元為大歷大

中不可知也

蕭府君墓誌銘在宣城縣

拓本高一尺六寸廣一尺六寸二十六行行二
十四字不等正書蓋篆書刻蝕不可識

首行缺

□ 姪廣 □ 撰

府君諱 □ 字 □ □ □ □ □ 齊祚竊襄禪位有梁梁有睿德故

宗黨奉之七代祖 □ □ □ □ □ 五代祖鄴陽王恢 □ 祖 □ 蔡定二

州刺史 □ 温 □ 鄭州別駕 □ □ □ □ □ 州長壽縣令咸積德茂勳昭彰

袞憲以贊翊后位繼 □ □ □ □ □ 長壽元子也公局度弘敞 □ □ 慎

言至 忠孝旁務經濟初試 州 城縣尉以貞白之政為時所

重 高才德行當世屬元兇 而歎知儒術不

可以戡難 投筆克壯其猷大曆中同州刺史兼吏部郎中

梁公乘美公有匡時之略委之以師旅奏克押衙兼兵馬使貞元

初 鑾輿避狄之歲相國韓公滉辟為上將克鎮江許四年宣歙

都團練使御史大夫劉公贇嘉其義勇藉之英略奏克右廂兵馬

使兼押衙守右衛率府率八年奏為都虞候十四年洎廡使崔公

衍聆公盛烈乃褒其職奏右廂兵馬使右領軍衛將軍廿一年補

都押衙俾軍容內肅澆浮外息常貞白一致穆如清風雖幽室獨

處亦如對君父俄積疾淹留興夢奠之歎廿一年夏五月廿八日

歸全宣州私第享年七十一時軍贇相吊行者或歎其涕公出於

趙郡李氏先娶彭城劉氏長女適 州錄事叅軍彭城劉仕次女

適宣州參軍河東裴懿成俊德

一男二女一女適句容縣丞隴西李

男不幸早仕夫人中歲既

之前以塗在堂先遠將地

子廣則笄女董董榮毀過禮故

稟自有梁遙源慶長克荷茂

森然英姿鴉立迴翔紆拖金紫

水東匯川流湯之逝者如斯

永貞元年十月日姪孫同雅書

張府君墓誌銘壽縣西北菱角嘴出土今藏霍邱劉氏亦園

拓本高廣六寸六字二行五分二十行字不蓋高七寸廣六寸六字二行三字字徑一寸六分均正書

張府君墓誌銘

大唐故將作監丞清河郡張府君墓誌銘并序

從前鄧州向城縣尉項盈撰

公享年卅有三其年夏六月夫人趙氏先邁厥疾奄然從逝於壽

春子□坊之私□□哭撫偏露哀慟告天從茲寢疾不逾旬月

次夫人而謝世嗚呼哀哉琴瑟兩亡鴛鴦雙□□沈逝水花落青

春公諱寧字仁則其先貝郡清河人也自軒轅錫胤張氏寔為茂

□金貂七葉漢天子之忠臣鼎足三公晉武皇之名相自是分茅列

土世有其人焉公四代祖元濟皇正議大夫刑部侍郎高祖松茂

皇刑部郎中曾祖季□皇戶部郎中祖蘭皇朝散大夫太子中允

穎王府司馬父進金皇驃騎大將軍試殿中監負外置同正負食

邑二千戶深懷武謫早彰七德之明立變軍機獨得三略之妙職

署淮南節度副使惣行營戎幕公即驃騎府君之元子也山岳之

秀人倫之珎容質堂堂詞兒英英幼習經籍鄉舉孝廉早工翰墨
跡近羲獻籌策則備千里決勝之能弓矢乃善百中穿揚之妙大
曆末年淮南節度司徒陳公特表奏授朝議郎試左領軍衛兵曹
參軍□國又轉授試太子通事舍人又轉授朝散大夫特作監丞
貞元九載壽軍元帥御史大夫兼左騎常侍揚公以公名家之子
才可理戎乃補軍職漸尔遷轉位及崇班夫人其先世為晉卿後
因仕而封天水郡遂世為天水人也故太中大夫兵部郎中兼侍
御史濟即夫人之曾祖矣祖頌皇貝州司功參軍魏州昌樂縣令
父悅皇金紫光祿大夫試太子賓客兼殿中侍御史贈滁州刺史
夫人即侍御使君之次女矣神姿頽澈容輝端雅幼高令淑之德
早稱窈窕之賢洞曉女工高閑婦道年有十八禮歸於將作丞公
克勤中饋靜慎閨庭孝奉舅姑恩霑卑賤外匡君子之能內幹家

風之正公乃和而敬之寶而重之嗚呼哀哉昊天不吊降茲凶憫

雙隨逝水之波永阻高堂之養哀哀親老切切子孤公嗣子三人

長曰惟敏仲曰惟教季曰惟哲皆絕漿在疚泣血踰天永思同穴

之儀仰遵歸祔之典頃以時月未便權殯于堂宅地既卜龜筮叶

從於是元和二年十月一日遷祔於壽春崇義原禮也嗣子等慮

年代綿邈陵谷斯變樹松楸以表焉勒銘誌以記之乃為銘曰

□□蕭蕭兮悲風起 鴛鴦雙飛兮歿逝水 切切高堂兮悲老

親 哀哀泣血兮傷嗣子 盈盈泫德兮去何在 英英武誦兮

長已矣 樹松楸兮勒銘誌 陵谷變移兮表千祀

施昭墓誌銘 在涇縣趙氏

石高二尺一寸廣二尺三寸五分二寸五分
行行二十二字拓本未見據涇縣志錄八

唐故處士吳興施府君墓誌銘序

府君諱昭字昭吳興人也曾祖獻大父言厥孝珪皆不徇利祿浪
跡自怡善效風規未嘗墮德是以逐勝避地就土樂業乃貫居涇
川君之昆季有四而君嗣其嫡頃因天寶器亂遂羽翼分飛花萼
隨風枝葉離散君守道自適而儀範特殊詣此以和清虛肅慎積
財能散義与道合礼不越俗信聞於人口口尚靜物我如一君夫
人穎川汪氏婦德貞操蘭桂同口礼適施君有一子一女男字清
河孤標慈孝稟性温厚亦可比于高孟也竭力侍省嘗無愠容膝
下之報纔申温清之年不待夫人先君而故已五稔焉心罍之憂
始平昊天之日痛旋迫君以元和四年夏五月邁疾於口方術不口
荏苒六旬藥石不救于膏肓灾崇乃沈于骨髓皇天不祐殲于淑
人以其年秋七月十九日終于涇之南第春秋七十有三踞天叩
地泣血無詐嗚呼光陰不駐世情倏忽朝晞薤露夜壑藏舟平生

風流一旦已矣然則士庶有制幽明路殊舉厝沒時塋兆將備龜筮習吉窆窆乃修絳旒引車哀歌即壙以其年冬十二月一日歲在己丑朔次壬申祔窆君于故夫人之墳東禮也原野鄉里已載夫人之誌焉雖非合葬有若同穴亦恐年代滋久將來無聞乃刻石為文以昭其墓也銘曰

荒墳叢叢

丘陵匪他

夫妻竝穴

瘞此南坡

颯颯青松

綿綿女蘿

日月其逝

恐易山河

誌于貞石

以讚哀歌

平原郡華齊望簣文并書

京兆口口口刻字

嘉慶四年五月余從弟祀治圃掘土築牆見石而取之兩石相

麗碎其上石而碑見稍後見古壙遂掩之銘石如粉糜出土時

為無知者以手按視遂多模糊然尚可讀書碑及刻石者之名

闕焉銘曰瘞此南坡知今之城在唐城之南也又曰日月其逝

恐易山河難銘辭套語然慮此遠矣趙紹祖金石續鈔

高霞寓立堂銘石出昌平縣今藏南陵徐氏

拓本高一尺八寸七分廣一尺九寸二十八行行字不等正書

唐故幽州節度押銜金紫光祿大夫檢校太子賓客攝媯擅下等

使兼御史中丞東海郡高公玄堂銘并序 奉禮郎守太常寺丞

崔沂

飾終之典寔可紀於勳賢茂胤前循則必垂於器望

公諱霞寓字霞寓其先

東海郡人也齊太公之後蟬聯而下益大其宗因北國隨官代居

燕矣 曾祖諱永 皇左衛翊府中郎將王父諱行仙 皇京地

府折衝克靜邊軍使列考諱栖巖 皇寧武軍使輔國大將軍行

左金吾衛大將軍負外置同正負試太常卿上柱國魚殿中監

公即大將軍弟十五子也幼襲國器長負雄才囊括六經邃懷大

口得黃公之妙術蘊毅勇之英聲初効質貞元中故太師彭郡

劉公以名家子擢缺補步軍副將雲麾將軍左衛大將軍試太常卿

逸驥始步秋鴻刷翰轉領步缺一命再命畿廓沙漠三命四命

聲日闐遷拜荊州馬步都虞候景歲改缺左廂馬軍都虞候恩威

肅爽名耀一時特授檀州刺史兼營田團練等使缺御史境逃獸

跡珠還浦明累加奏幽州節度押衙金紫光祿大夫檢校太子缺

兼御史中丞遇以境塵犯塞時無戍閑方伯藉伏虜之籌握軒

振旅改攝媯州缺史告勳如舊政以不撓而女才以任能自博占

風闡化求瘼安人暨周星移防缺使兼知儒等州事霜未幾轉攝

廣邊軍使兼營田等使終於位於戲金缺併鍾秀於稔和武柄儒

輝煌邦國時稱汾陰之上族譜牒詳焉曾祖諱德敏京兆府富平縣丞王父諱據餘姚郡太守皇考諱洽滑州酸棗縣令公生知之性聰聞元悟早年嘗謂同輩曰古之子弟之禮孝愛端凝而何必讀書乃為□人然則士資祿養務速就業於是倍功懇懇專經登第其後自下蔡崑山冀城三領大邑僉謂清儉變俗奸濫屏迹臨財無私於己異政著信於人噫趨兢絕心退讓俟時位不至高名不求顯親知共為歎憤夫人隴西李氏皇室系胄柔懿增輝河中少尹諱最之女也不幸早歲凋落春秋四十九有子一人前魏州元城尉曰元慶李夫人之出也動修禮義恭守素業全其生而大事克備苦其身而諧孤獲安亦孝慈之本歟女五人二女早亡一女適扶風馬宥宥良士也一女未及笄禮一女誓依釋氏公以開成庚申歲十一月二十四日時叶著龜妥耐葬於下蔡縣淮陽鄉

戊家里大安原蓋舊里綿遠未遂歸葬從遺命也銘曰

條山際海洪河湯湯靈粹氤氳英髦騰芳翼城秉心守道自強修

辭通經恥露鋒鏗賢哉夫人行滿六姻柔謙永保錦綺非珍上善

芬馥促齡酸辛淑德如何姬姜比鄰

下蔡鎮文殊寺僧廣寶于近寺溝中掘得此碑嵌置寺門外右

垣上按史載唐文宗開成五年庚申此銘前稱開成五年十一

月二十四日歿後載開成庚申十一月二十四日祔葬歿葬同

日何促邪抑勒銘者失檢邪蕭景雲記嘉慶李兆洛鳳臺縣志

牛尹甫墓誌銘壽縣西北菱角嘴出土今藏霍邱劉氏亦園

拓本高廣一尺一寸六分十五行撰書姓氏磨泐不可識行字不等正書左行蓋佚

上太常寺奉下

上參軍下

公諱尹甫字公佇瑯琊人也其先卿□□東□□□□尉吉之

齋□□缺下□□非闕嗣尚不乏賢皇考賁恒王府叅軍皇祖仙客

州司馬曾祖缺下淮陰縣令奉禮即恒王府第四子也必能

精史傳缺下城□急神農扁鵲殆欲著肩須國有命善醫者可

以□□朝如缺下□智而終不為□君臣孝子世奉禮儀藝術

諸學而不得缺下□已而不□□用世有知者而稱屈事□□□

歲次庚申缺下戊辰而以疾終于壽州壽春縣子真缺下□今□宅

地以會昌二年歲次壬戌缺下□里崇義鄉企明里陪大塋之左缺下

有子二人長曰重次曰□並管缺下□□□厚顏缺下

范陽盧氏室女墓銘石出洛陽今藏南陵徐氏

拓本高九寸六分廣九寸六分正書四行行十

范陽盧氏室女墓銘有叙

鄉貢進士崔聚簪

皇唐咸通癸未歲正月廿八日范陽盧氏女以疾夭于東都懷仁里享年廿六越月廿七日將葬於洛陽縣平陰鄉北陶村之原其兄潛承母夫人之命乞銘於崔子且曰吾妹以慧悟之姿發齒亂之歲幽閑窈窕克協於詩禮蘋蘩纂組不資於傅姆既笄年以成德宜象服於候門景命不融短期斯及先是太夫人疾痛在躬星霜亟變至於起居之節寒燠之宜必能先意承順動無違者勞心以通恙勤力以彫年不其孝者歟嗚呼捷是純懿天則不與其壽付是湫質天則隨降其酷竟何為哉蒼蒼茫茫宜不可問也自大父而上皆彰灼世系標映圖諒故得略而不書父諱戎皇朝邠寧節度推官兼監察御史今所歸葬實先君之墓次銘曰

蘭芳菊秀芳鬱有華姿
霜彫電碎芳飄零若斯
昆弟悲涼芳

寃鍾母慈秀而不實兮古則有之可奈何烏賦

壽州嚴公墓誌在壽縣孫氏小嶺谷別業

拓本未見據壽州志錄入

唐壽州 言嚴公墓誌

布衣王茲撰

公諱密字元之其先天水嚴氏之後父字缺三祖諱進不仕公字缺二

長沙秦氏公無昆仲片玉獨美貞松一枝氣惟疎而直言惟約而

至以此而居祿凡五十年齡壽凡六十六中以敬而仕內以謙而

履無易言無載諾無變其節無反其理府人謂之忠厚邑人謂之

君子至於討窮塞破戎虜例勇前兵名冠於首大中七年壽牧燉

煌令狐公別奏公用答勞劾則團練押衙管右一缺軍缺等將缺

作坊修造使朝議郎檢校國子祭酒上柱國缺咸通四年秋九月

疾於春申坊私第晨或云愈夕以云加功罔於醫味夾於藥出

三缺

字以至終歿妻吳興姚夫人有子一人彥思衙前虞侯女一人禮

歸隴西李泰公家世自秦州而歸於壽凡一百廿載噫彥思雨血

不止有過其禮慟絕不已有傷其體明年秋八月中旬寔於壽東

二里黃公鄉春申坊附先塋也丹北俄飛涼缺隨入缺車何之虞

泉以期公深友于茲故以誌之銘云公以素直而奉其國公以勞

謙而守其則六十六年齡算已得四十五載祿食無或一子紹嗣

一女令德倏從臥疾禍不可尅幽泉是歸千古以默白揚愁人世

人悲塞

達奚公墓誌銘 在壽縣孫氏

拓本高廣均一尺四寸八行字不等蓋凸起高廣均五寸六字三行二字字徑一寸四周有花紋均正書

達奚公墓誌銘

唐故鄉貢進士達奚公墓誌銘并序

從重表弟鄉貢進士裴端辭撰

公諱萃字日新其先軒轅氏之垂裔至後魏承獻帝諸王太和

封氏遠祖長寧公輩輩生宜城王公實宜城王之後軒裳茂族自

國朝係美者湖州刺史怒殿中丞璿司農少卿懷義戶部

負外郎珪宜皆公之一源洎公五代祖諱聞恭唐州泚陽令

四代祖諱降嵐右華州刺史焮祖珣進士高弟禮部侍郎三

代祖諱恪舉進士高弟河南府濟源縣主簿大父諱逢明經及

弟本州陳留縣尉試大理評事贈許州司馬父諱賈試左武衛

兵曹參軍公氣稟端方秉志好學雖口口治產未嘗廢卷及壯

文學節行之稱洋溢於鄉里前後七舉進士皆口口口口主司

口口口口迺獎其賦嗚呼命耶竟不遂思再復故里禮樂進取為後

未之□不失□□之言不負兒童之信天生純孝執喪哀毀逾制

輦茹不經其門凡有舊圃悉耕闢之同氣之喪皆至摧毀噫實令

人也衰疾之中尚營遷柩大父於陳留中道□輟却還試以子

弟終遂私志斯後疾苦以至於不救咸通七年六月六日薨于六安

之里弟享季七十有二夫人博陵崔氏自結髮令淑聞於姻黨間

孤子二人長曰淙次曰渥皆孝行承奉家法紹有文學三女長

適隴西李氏胥名璵次適渤海高氏胥名挺言皆軒裳之家雅叶

素德幼女未笄皆承先夫人之訓誨令淑早著夫人大中十四

年十一月九日前薨咸通丁亥歲八月十八日合祔于壽州安豐

縣之里禮也孤子以端辭承公生平垂愛之分號請其詞銘曰

□□之裔文行天資俗薄万變堅白不移得喪如一

我心自怡行堪化俗學冠人師庭喻詩禮慶流無涯

夫人令問 閨門 儀 松薪墉耕 道德巍巍

壽州瓦埠鎮之北神祠敗壁下舊嵌此刻無知者光緒丙子鎮

人孫顯臣上舍訪得之則有唐達奚公墓誌銘也雖多漫漶而

其高風亮節讀之猶見一斑書法瘦逸與薛少保稷尤逼近遂

移置於家之別園鎮當東泚之濱大水衝決印幣鏡劍尊彝之

屬不時發見第洋洋數百言如此銘不多得也宣統三年春余

偕孟連世講來索觀孫君已歸道山嗣君玉彬出相示并述其

詳剝蝕之餘靈光奕然是誠可寶要以椽竹焦桐重經拂拭孫

君亦善知識耳同里張之屏樹侯氏題記

潤宣二州界牌 在當塗縣慈湖鎮

正書未見據江甯府志錄入

界 北潤州上元界

牌
南宣州當塗界

江甯府志云在慈湖考此牌立於寶應以後大順以前

宣州重建小廳記 在宣城縣

佚文據甯國府志錄入

大唐宣州重建小廳記

界江南宣州實為奧區凡厥貢之盛厥土之饒則古所良也暨鉅

盜起芒碭環弊於四方是邦載罹窘阨雖城隍幸免而外無孑遺

矣兵部裴公餘慶去任竇常侍聿自池牧來臨蒞事未幾遂為秦

彥所據姦連鄰慙一旦擁兵渡江引黨趙錕以代已任是歲南滁

劉顥作亂揚州繼喪師律二境流離人不堪命宏農王方作自淝

水爰奮義旗詢於同盟則田司空首決宏謀及維揚克定秦彥

就誅宣人有言曰何獨後予俟其來蘇宏農王允憫是誠我公復

勵兵進討。鏗悉銳逆戰。亟為崩之。及追蹙保。量兵食。內空而外不絕。商市無改肆。鏗知人知在彼。乃冒圍宵奔。我公追擒之。自此江表畧定。大順元年。建子月。孫儒入據維揚。又來寇。我舉不以義。自老厥師。復為我公擒之。其眾盡潰。宏農王去寧揚土。我公嗣總藩條。天子嘉公之勛。就轉左僕射。命觀察。於是明年建寧國節度。又明年。加司空。宣城洵屬戎事。便廳久缺。司署者進言曰。蓋葦之公曰。民室未完。民逃未復。於用文德以來之既。而來安之。不期歲。車者闌。闌舟者聯。聯比屋。滯貨盈市。溢鄜司署者復進言曰。民室完矣。民逃復矣。公曰。倉廩未寔。田野未闢。於是薄其賦。而省其徭。結其乏。而賑其饑。不期歲。荷耰秉犁。撻蟠於泥。如雲之稼。穰穰在畦。司署者復進言曰。倉廩寔矣。田野闢矣。公乃許。然後度林相址。不憇。匠事橫梁。虹亘山節峯。峙嶻嶭。崇崇觀者。改視公喜。退顧人曰。

凡事之治不治無賢愚貴賤顯然知異觀此當其未治人咸慊之
及其治也人咸榮之則吾於為政也豈不榮乎治哉我今欲刊成
續宜付所能則沈氏子以文售其何可辭焉乾寧二年乙卯秋八
月八日記沈顏

右碑題云大唐宣州重建小廳記沈顏撰乾寧二年九月八日

記有云宏農王方作肥水又云宏農允憫是誠宏農王者楊行

密也行密之進爵為王不見于紀傳但光啓二年三月朱全忠

為沛郡王大順二年二月李克用為隴西郡王景福元年董昌

為隴西郡王皆在乾寧以前安有行密之爵反下于全忠克用

諸人者其後楊渥亦授宏農郡王本于父爵可知已沈顏為吳

臣殆可信勿疑也則此碑可補史傳之缺

葉夔苞金
石錄補

此楊行密將田頌為寧國節度時所建而沈顏為之記也中多

敘田頤之績越州金祖安

千佛寺殘碑在鳳臺縣

石已破碎可辨者上半截十八行下半截八行上下分六列其第四第六列不可辨正書拓本未見據鳳臺縣志入

僧元少一尊

僧元亮一尊

僧智新一尊

僧直璿一尊 堵德

僧敬招一尊

僧慧深一尊 仇彥

錢元一尊 張十三

智一尊 右第三列止存此數字

僧師岸一尊

周十四娘一尊

□女□一尊

□□□□尊

□□□□尊

右第五列

蕭景雲曰嘉慶三年下蔡古城西門外百餘步繆氏村有人掘

地得殘碑高四尺餘闊二尺餘有大唐國千佛寺數字字大寸

餘多剝蝕未百餘字字大如錢皆僧名繼為人擊碎僅存斷石

一片高闊尺許字十餘行可識者七十三字筆力道整似徐季

海卧置繆氏村前小橋上往來蹂踐日就毀滅古物久晦靈光

乍顯而復遭侮何不幸之甚邪又地中掘得數大柱礎彫盤龍

形一存村中餘為里人取去殆亦千佛寺礎也蕭生為余言

此碑因使縣胥繆林取之林又於民舍得斷碑一片合其裂文
相符又此碑下半節之半也因購問大唐千佛寺數大字所在
云數年前居民毀其字以石售於富民梵諸垣中矣合兩石滌
而墨之計可辨識者百二十有三字所刻字畫頗淺故漫漶如
此碑之第一行尚存縣字書字并字蓋署書碑并書額人姓氏
惜殘缺矣碑陰無字所謂大唐國千佛寺數大字當是此碑之
額非一石也嘉慶李兆洛鳳臺縣志

吳

廣平程公墓銘蓋 在壽縣正陽鎮學宮正殿西壁

石方一尺四寸四周未見據壽州志錄入

亦

廣平

山
苗
館

